

تقديم / د. مراد حسن عباس

الحتة الى بتحلم فيا

شعر بالعامية
وفاء بغدادى

إهداء:-

جئت إلى الدنيا عارية من كل شيء ...

إلا اللهم

وأخرج منها تاركة كل شيء ...

إلا اللهم

فبلى من تحملت همى وشقيت به

إلى أمى

و ...

إلى من علمونى ألا أموت

وماتوا

العامية

وامتداد النصّ

وفاء بغدادى مبدعة متميزة، تمتلك قدرات خلاقية تمكنها من التعبير عن مشاعرها وأفكارها ببساطة شديدة وعمق أشد في آن واحد، وبأسلوب يجنح للتفرد بسرعة مذهلة، وينبئ عن هوية فنية خاصة جداً ورائعة جداً أيضاً، توشك أن تتجاوز كل نقاط التماس مع غيرها من الهويات الفنية الأخرى، وبتعبير أدق فهي في طريقها شبه النهائي إلى اكتمال تبلورها.

وتتجلى هذه الخصوصية بوضوح تام عبر محورين، الأول يتجسد في طبيعة العلاقة الحميمة والأسرة بين المبدعة واللغة، والتي تسمح لها (أي المبدعة) بالجمع بين الفكر والعاطفة في تناغم وتجانس وامتزاج تام لا يسمح بطغيان أى طرف على الآخر، ومن ثم تصبح عمليات وصف لغتها بالعدوثة والانسائية والصفاء والتلقائية مجرد مسلمات أولية تمثل قاعدة للانطلاق إلى ما هو أهم وأرقى:-

الشرح اللي فـ سقف الحيطه

راسم بير مقلوب

بيشد فضولى لآخر نقطه فـ قلب الطوب

ألمحنى ...

غرقانه فـ أبيات الشعر

باستتجد بيّا

تتمدّ يديًا فـ محاولة لإثبات الذات
فـ محاولة لإحياء الجلم فـ واحد مات
أسقط فيّا

من تانى باغرق

لكن جوّه البير المعدول ...

أما المحور الثانى فيتجسّد من خلال نظرتها الخاصة أو رؤيتها
الخاصة للعالم والحياة، والتي يمكن وصفها بأنّها عمليّة تمنطق
شعري للواقع، أو قلّ تمنطق واقعي للشعر، أى إعادة صياغة للعالم
من خلال معطياته دون فرض أى شئ غريب عليه، وإذا كانت هذه
التجارب — فى معظمها — تنتهى برفض الواقع بصفة دائمة —
وليس بالاستسلام له أو بالتشاؤم كما يبدى ظاهر معظم النصوص —
مما قد يعكس نوعاً من أنواع اليأس أو الإحباط، على حين أن الحقيقة
تثبت عكس ذلك، فتركيز المبدعة على التفاصيل بشكل مستمرّ على
سبيل المثال: الأسباب/ الأحداث/ النتائج، يمنح لهذه الدلالات المضادة
(الضمنيّة/غير المرئيّة) فرصاً متعدّدة للإبانة عن معالِمها وتضاريسها
بطريقة تحفّز، بل وتدفع المتلقّى دفْعاً للتعرف عليها والتفاعل معها
بكل إيجابيّة، فلا يتوقف عند حدود التعاطف مع المبدعة/ النص، بل
تجعله — ومن خلال رغبته الشخصية — مشاركاً فعلياً فى التجربة
عبر محاورات ومجادلات طويلة، تبدأ مع بداية النص ولا تتوقف
عند نهايته، أى تجعل النص فى حالة حيوية دائمة:-

فَكَرَّتْ أَنْكَ تَبْنِي يوتوبيا جديده
سكّانها ملايكه، بيذفرو الشمس
مفروشه بأحلام الناس الغلبانه
وَأَمَّا تَحْسَنَ انها عمّاله بتهرب منك
علطول بتحطّ صبا عاك

جوه عينيك

لو جرّبت

أو حسّيت

أو فكّرت

إعرف إنّك مسكين

إيكى براحتك

طبّطب على نفسك

إنها ترفض أن ترتدى الأئنة، تماماً كما ترفض كلّ الوجوه
التي ترتديها، بل وتمدّ يدها أيضاً في معظم الحالات لتتزعجها عن
رؤوسهم، إنها عاشقة للصدق مهما كانت قسوة الحقيقة:-

عارف ...

مش محتاجه أنّك تسمعنى

أو تيجى تفرّغ إحساسك فيّا

وتحاول تلعب

لعبة تركيب القلب المتكسر

وأكون البنت الغلبانه
وتكون القلب المتحسر
وتحارب علشانى العالم
فـ الآخر ..

تتعب ...

تتضعف ...

تخسر ...

بعديها .. تحاول تفصل نفسك منى

لقد استطاعت وفاء بغدادى أن تعطى الكثير والكثير بقصائدها
المضيئة، ونحن بإصدارنا لهذا الديوان نحاول أن نقول لها.. إننا
معك، ومع كل مخلص لفنه ولوطنه، وإننا نعرف قدر عطائك، ونسأل
الله سبحانه وتعالى أن يمنحك القدرة على النجاح والتفوق وإعطاء
المزيد والمزيد.

والله من وراء القصد،،

ليلى فهمى

حلم العقل - تجربة الجسد

محاورة مع ديوان

"الحته اللي بتحلم فيا"

د. مراد حسن عباس

فى أحيان كثيرة يمارس النشاط الذهنى اللا واعى، وبالأخص الحلم، تأثيراً وسيطرة على النشاط الذهنى الواعى، أى يمارس الجزء هيمنة ما على بقية الأجزاء، ولكن ذلك يقتضى التعطيل، تعطيل النشاط الواعى بشكل كلى أو جزئى.

أما تعطيله بشكل كلى، فهذا ما يطلعننا عليه "كالدورن دى لابلارك" فى نموذج "الحياة حلم"، ومن قبله حكاية ألف ليلة "النائم واليقظان"، والقصة تتلخص فى كيفية تأثير اللاوعى على الوعى، أو الحلم على الحقيقة، إذ تفترض أن "أبا الحسن الخليج" تمنى أن يكون ملكاً ليوم واحد على الأقل ليحقق أمنياه، وعلم أمير المؤمنين بتلك الأمنية، فدس له مخدراً فى الشراب ونقله إلى القصر، وأوحى له بأنه أمير المؤمنين، وحقق الخليج أمنياه، ثم دس له أمير المؤمنين المخدر مرة أخرى، وأعادته إلى وضعه الأول، ويبقى السؤال: هل ما عاشه الخليج يقظة أم حلماً؟

أما التعطيل الجزئى للحواس، فيطلعننا عليه "بويرو بايخو" فى نموذج "حلم العقل"، وهو يختص بتعطيل حاسة السمع عند الرسام

الأسباني "جويا"، إذ يمارس الصمم هيمنة على العقل، فما لا يسمعه جويا هو الذى يستتبع بالضرورة تأويلات الوعى.

النموذج الأول يمارس فيه الكل سيطرة على مجموع أجزائه، باعتبار أن الكل أكبر من مجموع أجزائه، أى يمارس فيه العقل سيطرته على بقية الأعضاء. أمّا نموذج "بويرو بايخو" فيمارس فيه الجزء سيطرته على العقل.

إن "الجزء الذى يحلم فى الكل" أو بمنطوق الشاعرة "الحنّـه" اللـي يتحلم فيّا" يستدعى بالضرورة التأويلين معاً، إن لم يكن يستدعى عدداً آخر من التأويلات.

إننا لسنا فى حاجة إلى الحلم، كى تكون الحياة ممكنة فقط، بل إننا على حد تعبير الشاعرة لا نستطيع أن (نتوب) عن الحلم.

ده اللى يشوف الحلم بعينه

يصعب جداً

إنه يتوب

يصعب جداً إنه يتوب

إزاي بعد التوبه يعيش

خلّى الشمس تموت بشو يش

خلّى نجوم الليل تحضنى

تعمل مركب م الأحلام

نعبر بيها يم الحزن

(إن الحياة على حد تعبير كالنورن حلم).

إننا بلا شك أمام تجربة قوية تعى ما نقول، ونقول ما تعى،
تجربة تعرف:-

إزاي السور المبني بطول الهم ...

ممکن يتهدّ

فـ الوقت اللي عرفت الفرق

بين الضحكة الممسوخه

والضحكة الطالعه بجذّ

بين الحلم المفتوح

والحلم المولود ع القذّ

مديت فى إديه أفتح قلبك

كان قلبك سدّ

وإني لأتوقع لها مستقبلاً شعرياً باهراً، لما لها من قدرة على
توليد المعاني المبتكرة، من خلال إحساس مرهف يعى المعنى
الحقيقى للشعر.

٢٧/٤/٢٠٠٢م

يوتوبيا

جرّبت
أنّك تحضن نفسك م الخوف
وتخشّ في آخر حثّه
في قلب سريرك
وتططب على نفسك
وتقول معلّش
حسّيت إنّك ميّت
كل مقابر أرضك رافضاك
بتجرّ في قلبك من تحت أقدام الناس
ترميّه ..
يطلع لك ردّ سؤال البنّت
ليه مالح دايماً طعم البحر ؟
فكرت أنّك تبني يوتوبيا جديده
سكّانها ملايكه
بيدفوا الشمس
مفروشه بأحلام الناس الغلبانه
وأما تحسّ انها عمّاله بتهرب منك
علطول بتحطّ صباغك جوّه عينيك
لو جرّبت

أَوْ حَسَنَاتٍ
أَوْ فَكَّرْتَ
إِعرف إِنَّكَ مسكينٌ جداً
إِلكي براحتك
طبطب على نفسك
وادخل آخر حَتَّه فـ قلب سريرك
وما تستنش حدّ يقول لك
معلّش

حاله

واحد وتلاثين .. انتاشر
وعقارب ساعتى فى حالة عشق
وبتحسم لحظه .. من لحظات البعد
المرغم لليوم
باتعلق فى حبال بلكونتى
إلى الناس عماله تصر أنها دايه
مع أنها مسكاني كويس
واحد وتلاثين .. انتاشر
وعقارب ساعتى فى حالة صمت
وبتحسم لحظه .. من لحظات الموت
أول حاجه اعملها ..
تقطع كل حبال بلكونتى
واحد وتلاثين .. انتاشر
وعقارب ساعتى فى حالة .. بحث
وبتحسم لحظه من لحظات .. الخوف
ما املكش فى يدي
غير إني استنى

محاولة

إمبارح ..
قررت أنّي البس بدلة غيرى
واستغنى عن فنجان القهوة اللي ...
بطعم الحزن
وأدور فيه ع السكه المفتوحه
اللى انا بحلم ألقاها فـ قلبه
وح اشيل البؤره السوده اللي فـ عيني
وادفنها ف آخر حته فـ قلبي
علشان ما تشوفش الآمه المكتومه
وانا بادئ لأمى الإبره الصبح
وبسرعه .. ح انزل من غير ما احضنها
علشان القلب اللي اتمغط فيها
ما يشنّش منى الحزن
وامّا انزل سلم بيتنا .. عكس الناس
لازم احسن .. عكس الناس
ترفضنى جدران السلم
فاتظاهرو قدام نفسى
إنه بمرور الوقت
لازم .. ح اتعلم

أنزل ..
فاتقابل ويا رصيف الشارع
إلى يعلن عجزى قدام .. أبسط أحلامي
فتجيبني البنت اللي بتلبس أخضر
وتبيع أحلامها
ويا الجبنة البيضاء
وتمدّ أيديها
أدخل عريبتى
ولأول مرّة أحسّ أنها سايقانى
وأما ادخل شغلى ...
تتشدّ شغافى من غير تمييز
ترسم نفس الضحكه المختومه على وش الناس
أرجع ويا زميلتى ..
وأما توقفى إشاره
قدام فاترينه مش تتبع غير الفساتين البيضاء
تسألنى مين عاجبك فيهم ؟
ألقى لسانى بيقلت منى ..
يعجبنى الفستان الأخضر
تضحك ..
اللون الأخضر مش موجود

درج

بنظام

دخّل أحزانه جوّه الدرج اللّی بوسع العالم
رصّ الأحزان حسب الترتيب
"واحد"

حزن النظره الأولى للنور
واللی لغاية دلوقة
مش قادر يعرف لیها أى مبرر
وامّا يحاول یسأل نفسه ..
یسکت

لما ما يعرفش الفرق
بسهوله یطبق حزنه
ویحطّه فـ قلب الدرج
"إثنين"

الحزن الشایب
للحلم الشایب
المقتول بالسکینه التلمه
یحلف مش ح یبصّ علیه
من شباك قلبه المفتوح علطول
وامّا یقابله فـ قلب عیون الصبح

ح يغمض عينه
وان جاله الحلم فـ صورة رؤيا
ح يقول أضغاث أحلام
"آخر أحزانه"
كان عايز يستنى
لكن شاله فـ قلب الدرج
مش قادر يستحمل صبره أو ... قول استسلامه
قفل الدرج بنفس القفل اللي الناس بتشوفه .. مصدى
غلف بابه بالكذب اللي بيلمع
واما تأكد إن المنظر شيك من برّه
شد ستارة جفنه
واستنى نهاية العالم

جانتی

جانتی .. آیوه جانتی
جَت و حکت لی
إزای قلت لها بحبك
وازای الرعشه ف إيدك
كانت .. بترقص قلبك
وازای ویاها .. حلمت
وازای قبلها ندمت
وازای من أول نظره
تُهت ف عينها .. وسلّمت
جانتی آیوه جانتی
جَت بشوّه صورتك لیا
جَت .. بتجرّح أعلى ما فیّا
جَت .. تتصحنی أبعد عنك
جایه تقول من خوفها علیّا
جانتی .. آیوه جانتی
روح طمّنها أنّك مش لیا
وان حواجز غیرها کثیره
تمنع أحلامنا الوردیه
وانی .. لآنی بحبك أكثر

بابعد

قبل ما تظهر هيا

جانتى .. ايوه جانتى

شَبَّه

أول حاحه رميتها امبارح
واحد وتلاتين .. انتاشر
الساعه .. انتاشر
قلبي
وبكل قساوه انزعت فيا .. بايديك
شدتيه
وقلعت عينيه علشان ما تحنش ليك
وانت بتسقط
وكتبت فـ آخر أوراقى
بالحبر الأحمر
إلمرشوش بكرات الدم البيضاء
اللى بتفشل تبقى محامى كويس
وتجيب لى براءه .. من الأحزان
كان
بعديها بفترة
وقفت كل الناس الحاضره
ستين ثانيه حداد
على كل حروفى المنتحره
الصبح ..

عمّ السید .. إلی بیکنس شارع بیتنا

جه و سالنی

واقع منک ده ؟

وامّا استغربت سواله

ردّ وقال لی ...

معلّش یا بنتی

فیه منک

یاما

مرحوم

ثَبَّتَ رَجْلَيْهِ
شَدَّ فَمَنْ نَفْسَهُ
وَأَتَمَّكَ بِخِيوطِ الْفَجْرِ الْوَهْمِيَّةِ
أَتَعَلَّقَ بِحِبَالِ الصَّوْتِ
هَرْمُونَ الصَّبِيرِ
كَانَ أَقْوَى مِنْ حَبَّاتِ الْحَزَنِ ...
الَّتِي يَنْتَزِلُ فَوْقَ عَدَسَاتِ النُّضَارِ
كَانَ أَقْوَى ...
مَنْ تَشْيِيعِ الْحَلْمِ بِكَلِمَةٍ ...
يَا خَسَارَهُ
كَانَ مَتَهَيِّئًا لَهُ
كُلَّ مَا يَدْفَنُ حَلْمَ
يُطْلَعُ غَيْرُهُ فَمَنْ حُضُنِ الْمَوْتِ
أَخْرَجَ حَلْمَ
كَانَ نَفْسُهُ يَصْبِيحُ .. سَقَا
يَسْقَى النَّاسَ مِنْ حُبِّهِ الْحَيِّ
وَأَمَّا النَّاسُ حَبَّتْ قُلُوبُهُ

قَطَعَ نَفْسَهُ مِيتَ حَتَّى
رَاحَ فِي النَّوْمِ
بَسَ مَا حَدَّثَ كَلَفَ خَاطِرُهُ
يَقْرَأُ الْفَاتِحَةَ
عَلَى رُوحِ الْمَرْحُومِ

راهب

نصّب نفسك راهب
قَطَعَ فيّا
وزّع جسمي على كافة أركان الأرض

إخلق منّي هيباتيا جديده
واحلف باسم إله الحبّ
إللي انا ح افضل أحلف عمري
إنك ما عرفتوش
إن السكينه بتدبح غصين عندك
بسّ اوعدني
لما توزّع آخر حتّه ف جسمي
ما تفكرش
إنك تجمعيني

رعشه

لَمَّا الرعشه ..
اللى بتسكن برد العالم
تعمل من رجلك سَلَم
تحلم تكفى
بلحاف الحبّ اللى فى قلبك
إلفرود على كل الناس
وبيقصر عندك
لَمَّا تحسن المعنى بيتغير
والألوان مش ثابتة
لَمَّا تخش فى قلبك
تقل على نفسك بابه
يطلع سجانك .. طيّب
يفتح لك
تفضل مركون جوك
حاضن نفس الدقات المكسوره
وبتبلع نفس الطعم المرّ
بتبصّر على العالم من فتحه جرحك
اللى لوحذك بسّ
بتحصنه كبير

حتماً ح تشوف العالم ضيق..

ضيق جداً

تحزن وتحسن أنك مخنوق

فتنمذ إيديك ..

تفتح جرحك ع الآخر ..

تضحك ...

لما تشوف العالم أوسع

أوسع

أوسع جداً..

بوكيه

وصلك ... بوكيه الورد

كاتبه ..

عليه مبروك

وصيت جنايني الأرض

منه .. يشيل الشوك

الباقى منك ليّا

من بعد جرحك فيّا

راجعه بدمع عينيا

دقاتي بيهنوك

وصلك ..

بوكيه الورد

وصلت ..

معاه دقاتي

صنقني .. مش عايزاها

لنا كنت حابه حياتي

لما اتنا كنت معاها

بتراعى ربك فيّا

والحب عندك غيّه

لكل ياخذ هديه

وتسامح اللى فاتوك
وصلك ..
بوكيه الورد
كاتبه عليه مبروك
فى ورده منهم .. بيضا
أوراقها زى زمان
أحلى كلام الورد
صنقنى فى الكتمان
قاطفه فروعههم منى
وماجتش غصين عنى
مش كل واحد هنا
ضمن اللى بيحبوك
وصلك ..
بوكيه الورد

جوع

صنّفتني ..

نسيت ازاي أضحك

من ساعة ما عرفت

إنك مش قادر تضحك من قلبك

وان البرد

رغم انه بياكل دقائقك

ما بيشبعش

فيمدّ سناناه

ياكل منك كل امبارح

زارك أيام الخوف والوحده

وعرفت ازاي الحلم اللي بيقتدر

يتغير جلده

مع حركة دوران الأرض

ممکن يثبت

لما سمعتك واننا بتتمنى

لو إن البرد يموت م الجوع

بعديها بتستغفر ربك

علشان اتمنيت له الموت

صنّفتني ...

نسيت ازاي أحلم
من ساعة ما عقارب ساعتك .. وقفت
والبرد اتعلم فن زراعة الأسنان
وانتا برغم العامل ...
المشترك الأكبر
بين الصبح وبين شعرك
لسته سنائك لبننيه

الفاضل ليّا

الفاضل ليّا

إحساسك بيّا

فـ ان كان ولا بدّ

إنّك تبعد

يبعد فيّا

عيش نفسك ...

لكن جوّ ليّا

واحلم أحلامك .. مع غيري

بسّ أنا .. ح احلم لك ويّا

تفضل لي الروح اللي فـ قلبك

رغم الأحران .. زىّ ما هيّا

الفاضل ليّا

من غير ما تقول .. أنا حسناها

فـ عيونك كلمه .. وشايفها

البعد .. الفرض اللي علينا

وفروضي .. باصونها وبارعاها

ولا عمري حلمت أنّي أفوتها

و لا ح القدر يوم أنّي أنساها

أنساها لزاى

وانتا عینیا
الفاضل لیا
إطمئن
بأبعد مرتاحه
والقلب داعی لك .. بالراحه
وان شفت دموع مرّه فـ عینی
ما تصدّقهاش .. !
دی دموع تمساحه
ح تغیب مع أول حنّیه
الفاضل لیا

عارف

عارف ..

مش محتاجه اناك تسمعنى

أو تيجى تفرغ إحساسك فيا

وتحاول تلعب لعبة ..

تركيب القلب المتكسر

وأكون البنت الغليانه

وتكون القلب المتأثر

وتحارب علشانى أفكار العالم

ف الآخر

تتعب ..

تضعف ..

تخسر ..

عارف ...

مش محتاجه اناك تلمس .. نقطة ضعفى

وتكوب ف الساكن والمتحرك

بعديها تحاول تفصل نفسك منى

فتقطع فيا

مش محتاجه

غير كونك تستأصل قلبى

وساعتها راح اغمض عيني
عن ضحكة أمي اللي بتطلع .. بالعافيه
لعمري تتحاول تسند فيا .. وتفشل
وح اغمض عيني عن حنية قلبك
وأدين الحلم اللي بيقتصر
عشان ما يكونايش قلب جديد
يحلم ..
ويدوب ..
ويحسن
ويدور من تاني ..
على إيد تستأصل حزنه
لكن ...
يخسر

كاراتيه

كان نفسي
أصبح بطله كاراتيه
وما تسألنيش ليه
لو حسنتي بجد ...
كنت عرفت
وأما كبرت شويه
وعرفت صعوبة تحقيق الحلم
خفت
قررت أغير حلمي ..
بعروسه بتصرخ
لقيت ... دخت
وأما سألتك فين تتباع
كان نفسي .. تمذ إيديك جوايا
وتطلع منى العامل ... إالى بنتقاسم فيه
وما تسألنيش ليه
وأما لقيتها فـ إيدك
مدت إيدي أكتم صوت بيقاوح
نفس مقاوحة رجلى لدرجات السلم

واصرخ فيّا

أتعلّم

واحد :

إزاي يتغيّر كل خريف الطقس

إثنين :

من دقات الحزن اتعلّم فن الرقص

الثالثه :

صدق من جواك

مش كل عروسه ..

بتصرخ

عقدة نقص

باب

مَقُولُ الباب قَدَامَكَ
إِدَى مَفْتاحه لغيرك
جائز يقدر يفتح هوّه
إنّنا لا فيك دَقَات ... ولا قوّه
إنّنا بتسقط
أيوّه بتسقط
إنّنا بتفتح قلب الهوّه
رغم أنّ الساكن جوّه
رافض يتشكّل ...
غير أحزانك
وكأنّك بوره لهمّ الناس
رافض .. تتمدّ إليه بالخيط الأبيض
يغزل فستان للقلب المتعرّى هموم
سايك متعلّق
فـ الحبل الدايب ...
خايب
لا إنّنا بتوصل لنهايته
ولا تقدر تنزل وتسييه
بسّ الشئ الغير ممكن ... ؟

إنك لست بتسأل ..

ممکن ... !

رغم ان الباب مقفول قدامك

صورة

لو تقدر ..
عيد تكويني
واكتبني بأحبار الوهم .. أسطوره
زيّفتني بريشتك
طلّعتني .. باضحك فـ الصورة
علّمتني .. أصنع من حزن الناس
سَلَمَ للمجد
واضحك من ندوات الشعر وصور النقد
علّمتني ..
أكسر كل حروفي
وأقلب .. موازين الصدق
بَسَ .. أَمَا اتعلّم
وتجيني ...
تطلب قلبي
حدّي لك صوره ...
مش قلب بجذّ

خوف

بَتَغْمَى عِيونَكَ لِيهِ .. ؟

خوف .. ؟

فِي الْحَالَتَيْنِ ..

بَتَشَوِّفْ

فِي الْحَالَتَيْنِ ..

بَتَحَسَّ

وَبِتَرْفُضْ تَكْفُرْ بِالْآهِ وَالْحَمِ

رَغْمَ أَنْ بَقِيَّةَ الْخَلْقِ

كَفَرُوا

وَلَا حَدَّثْ فِيهِمْ شَافِ النَّارِ .. ؟

ثابت

أيوه صحيح

الشمس بتشرق مهما ان غابت

بس الموت ..

ثابت

والحنه اللي بتعلم فيا

دخلت جوّه محارة الحزن

ودابت

ما تقوليش نرجع

نرجع

لو تقدر من غير أصباغ

تسود الشعره اللي فـ راس الحلم ..

ثابت

لَسَّه بَتْنْدَهْنِي ..

حَبِيبَتِكَ !

رَغْمَ أَنِّي بَعْدْتُ وَسَيِّئَتِكَ

وَفِي وَقْتِ الشَّدَّةِ مَا طَالَتْ

مَدَّيْتُ لِإِيْدِيَا .. إِيْدِيِكَ

وَنَادَيْتَنِي ..

لَكِنْ مَا سَمِعْتِكَ

لَسَّه بَتْنْدَهْنِي ..

حَبِيبَتِكَ !

اخْتَرْتُ الدُّنْيَا السَّهْلَةَ

مَا انْبَيْتَشْ لِحَلْمِكَ مَهْمَلَه

اخْتَرْتُ لِأَوَّلِ وَهْلَه

وَنَدِمْتُ ..

إِنِّي خَسِرْتُكَ

لَسَّه بَتْنْدَهْنِي ..

حَبِيبَتِكَ !

كَانَ لَازِمَ يَوْمِ تَكْرَهْنِي

كَانَ لَازِمَ يَوْمِ تَتَسَانَى

غَفْرَانِكَ دَهْ مَعْذِبْنِي

وعيونك دى .. خنقانى
بتفكر قلبى بضعة
وتقول له .. ان انتا انانى
وتفكر قلبى بطيبتك
لسه بتدھنى ..
حبيبك !

مقايضه

من غير مقايضه للزمن
خُدها هبه
واشرب عصير العمر متى .. تجربه
واسمع نصيحه .. كل دقة قلب فيك
كان عندها حلم .. وخبا
الحلم نار .. نورها لغيرك
لو تقرب تحرقك
يفضل لك اللحن الحزين
لحن الصبا
وبروح بترفض تبقى سلم للهبوط
ما سمعت هاش
وفضلت أرسم فـ الخيال
دنيا صيا
يادى الغبا
سكة جهنم
مفروشه دايماً بالنوايا الطيبه

ميم

باكره ف الأرقام الخمسه
واكره إلهاء الخمسه
ما بحبش فيهم غير التين
الأخ اللي بيعدل فيا
كل حروف المعوجه
والأب اللي اتحول بين دقاتي لـ .. يوجا
واكره ف الأدوات البرجل
إكمنه لما يلف ...
ما بيرسمش غير الدايره
واكره عجالات الكرسي .. المحطوطه
جنب سريري
واكره أول حرف بيكتب إسمي
'واو'
لكن ما اعرفش ازاي حبيت حرف الميم ... ؟
رغم انه كمان ..
مقفول !

إسمى

لَمَّا بَتَّجِي وَتَدَّه إِسْمِي
بَاعْمَلْ نَفْسِي مَشْ سَامْعَاكَ
عَلْشَانْ تَرْجِعْ تَدَّه ثَانِي
إِسْمِي بِيحْلِي ..
لَمَّا بِيْطْلَعْ مِنْ جَوَّاكَ
وَاسْمِعْ دَقَّةَ قَلْبِي بِتَرْقِصْ
وَالْأَحْلَامْ بِتَزِيدْ مَا بِتَنْقُصْ
حَبِّهْ بِأَحْسَنَ إِنْ أَنْتَا مَعَايَا
حَبِّهْ بِأَطْيَرْ فِ السَّمَاءِ وَتَاكَ
لَمَّا بَتَّجِي وَتَدَّه إِسْمِي
كُلْ بِيْبِيَانِ السَّمَاءِ تَتَفَتَّحْ
تَقْبَلْ مِنْ كُلِّ أَمَالِي
كُلْ أَمَالِي إِنْكَ تَفْرَحْ
تَبْنِيْ فِ حِلْمِكَ حَبِّهْ بِحَبِّهْ
تَكْبِرْ .. أَكْبِرْ ..
قَدْ مَا تَكْبِرْ
دَقَّاتِ قَلْبِكَ تَفْضِلْ شَابَهْ
أَجْمَلْ مَعْنَى تَعِيشَهْ مَعَاكَ
لَمَّا بَتَّجِي وَتَدَّه إِسْمِي

رَنَّة صَوْتِكَ بِنَقْوَتِي
وَأَمَّا تَغْيِيبُ عَنِّ عَيْنِي وَتَبْعَدُ
حَاجَةُ فِـ قَلْبِكَ بِتَخْلِيَتِي
أَعْرِفُ إِنَّكَ لَازِمُ تَرْجَعُ
لَازِمُ تَرْجَعُ يَوْمَ وَتَجِيئِي
عَارِفُ إِيَّاهُ الْحَاجَةُ يَا عَمْرِي
إِنَّهُ فِـ قَلْبِكَ قَلْبُ مَلَائِكَةٍ
رَاحَ يَرْجِعُ لِي وَيَنْدُهُ إِسْمِي
وَأَعْمَلُ نَفْسِي مَشْ سَامِعَاهُ
عَلَّشَانُ يَرْجِعُ يَنْدُهُ تَانِي
إِسْمِي بِبَحْلِي لَمَّا بِبَطْلَحِ
مِنْ جَوَاهِ

قلب الدائره

من قلب الدائره المرسومه
سكّه احرانى
بالمحنى حروف مفروقه
بتحاول تشبك بعضها .. كلمه صبر
والمح ألى .. ساكن قلمى
كل ما يكتب ينزف مرّ
والقاف واقف .. رغم قيودك
نفس صمودك
لساك فاكّر
إن غروب الشمس بيولد دائماً بدر
وان البدر ... لما يسافر
مش بيسافر سايبك وحدك
ولا بيسيب جواك الفجر
لجل ما تطلع شمس جديده
حتماً تغرب
لكن كل ما تغرب تولد دائماً
دائماً بدر
لساك واقف قدام جبل المرّ العاتى
عمال بتهاتى

بتحاول تفتح طاقة نور
وانتا ف إيدك سين الإبره .. !
خايف تضعف
رافض تعرف ...
إنك جوّه الدايره ..
نفس الدايره

اكنمى بحبك

اكنمى بحبك
وبادوب جوايا لآخر كلمة حُب
تنطق بيها عينيك
بافتح قلبي
وارمى الدقات الدايبه بين كفك
تبرها فـ قلبك
تطرح أحلام
تقطفها عيون الناس الثانيين
خابنين
أبعد
وف سكة بعدى تطوينى الذكرى
أنتفكر
فنجان القهوة
والضحكه المرسومه بخوف من بكره
وعيون أصحابى
والقلب المرسوم جوّه كتابى
طالع منه الأسهم
السهم الأول .. حرفى
والسهم الثانى .. فاضى

مش راضى تكون برّاه
آه .. لو تعرف
إن ف سكة بُعدك
تسكن آخر درجات العتمة
ده لأنى كنت بحبك
وبادوب جوليا لآخر كلمة حُب
نطقت بيها عينيك

هدف

صحيح جنان
أعمى .. وبثبّ النيشان
أخرس .. وعطشان للكلام
رغم أنه في يوم مولدك
اتجمعوا سبعين ولد
حلفم لتفضل للأبد
من غير عصايه تسندك
أو ترشدك
وتحسن وياها الأمان
إيه فايدتك ؟
عاجز بتحبي جوّه دايرة عتمتك
تتمنى لو تنهى السبق
آخر نبأ
كل الأمانى قد أصيبت
إلا الهدف

إحكى عنه

إحكى عنه

إحكى عنه

لَمَّا تَحْكِي حَاجَهُ بِتَقَرُّبِنِي مِنْهُ

إحكى عنه لَمَّا يَفْرَحُ

وَأَمَّا يَزْعُلُ وَأَمَّا يَجْرَحُ

وَأَمَّا يَتَعَبُ ..

إحكى مِثْلَ بَيْشِيلٍ دَهْ مِنْهُ

إحكى عنه

عَنْ طَرِيقَتِهِ فِي الْكَلَامِ

فِي الْعِتَابِ أَوْ فِي الْمَلَامِ

وَأَمَّا يَصْحَى أَوْ يَنَامِ

مِثْلَ يَرْوَحُ لَهُ فِي الْمَنَامِ

عِ الْبُيُوتِ السُّودِ يَحْنُو

إحكى عنه

دَقَّ قَلْبُهُ وَلَا لَسَهُ

رَدَى رَدًى يَكُونُ صَرِيحَ

يَعْنِي عَاشَ لِلْحُبِّ قِصَّةَ

مِنْهَا رَاحَ خَارِجَ جَرِيحَ

وَلَا طَيفَ الْحُبِّ عَذَى

وَأَنْشَغَلَ بِالْحُزْنِ عَنْهُ

إحكى عنه

مکتبی

علی مکتبی ورقه .. و قلم

وسنین بتهرب منّا

علی مکتبی اینتا .. وانا

وعیون حزینه تضمّنا

علی مکتبی وحده .. وفراق

و قلب محروم اشتیاق

و ألف حاجز ...

عنا بیبعد حلمنا

علی مکتبی

علی مکتبی

أقوی ما فیّا بیختی

وعیونك انّا بتتادینی

وحلم بیّنّا بینطفی

علی مکتبی قرآن کریم

أقراه ..

و ادعی ما نفترق

ولو افترقنا ..

تعیش سعید

لو حتی عمری یتسرق

تفضل لي ذكرى ع الطريق
يحكيها بكرة عَنَّا
على مكتبي ..
على مكتبي آخر قصيدة كتبتها
عنوانها كلمة
كنت ليا بعثها
وحروف كثير متبعثره
مش قادره إني أَلَمها
على مكتبي ورقة شجر
محفور عليها إسمنا
على مكتبي

آخر دقات الحلم

آخر دقات الحلم
ماسكه فـ طرف الدنيا
مش عايزه تسيبها ...
من غير ما تشوفك
أول همسات الحب
بتحاول تكمل أغنيه .. تشبكها حروفك
الحذ الفاصل بين الأول والآخر
كلمه
يمحيها الخوف
يمحيها الصمت اللي فـ عينك
يمحيها المارد
الفارد كل قلوب الحزن ما بينى وبينك
تمحيها آخر دقاتى
لما بتمسك طرف الدنيا
وتسال
فينك ؟

نِدا

فـ الوقت اللي الدقائق جَوّايا
ببتده ليك
ولأول مرة بتتده فيها لحدّ
فـ الوقت اللي عرفت أصالح
نفسى
وعرفت ازاي السور المبني بطول الهمّ
ممكّن يتهدّ
فـ الوقت اللي عرفت الفرق
بين الضحكه الممسوخه
والضحكه الطالعّه بجدّ
بين الحلم المفتوح
والحلم المولود ع القفّ
مدّيت فى إديه أفتح قلبك
كان قلبك سدّ

حتى أنا

واقفه حبيبتى فـ الميدان
بتبصّ ع الناس كلّها .. إلّا أنا
خايفه لتلمح جوّه عيني
أمنيائى المزمّنه
لسّاها فاكراانى عبيط
باجرى ورا خيط الدخان
لسّاها فاكراانى زمان
بردان حبيبتى ..
والعيون فيها الدفا
عطشان حبيبتى ..
والساقيه بتنزّل جفا
تعبان حبيبتى ..
والآهه آخر أمنيائى للشفا
محتاج تحينى ..
تسمعينى
تبقى شمس .. وتولدنى
صبح أخضر
وانفلت من بين همومى
أبقى وقت الحزن أكبر

كل أحزاني ذنوب
باترجي ربي إنه يغفر
والقى ضي
من بكرة جي
يرسم نطاق الأزمنة
والذكريات المؤمنه
وألقي حبيبتي فـ الميدان ..
نفس الميدان
بتبصّر ع الناس كلّها
حتى أنا

كذابه

الضحكه المرسومه فـ وشك

زيف

والصوره اللى بتعكس حلمك

طيف

واما ادخل فيكى

بالقاكى .. نبتة صغیره

من ریح الهم

لساها بتموت مـ الخوف

رغم أنك عذيتى الألف

لسه الخطوه اللى بتمشيها

بتشد فـ حلمك للخلف

وبرغم الطول الجارف .. ليه

ماسكه الطرف

كذابه

بتبلى الشوق للحلم بكذب

وتعيشى الكذب ..

وتحييها

رغم انى

فعلاً حبيبك

إكمن عيونك ..

ما بتعرفش الكذب

قول لها

ولمّا تيجى تقول لها
إنّ فـ جبينك ضيّها
وإنّ حاجه ساكنه فوق
مش قادره تبعد عنها
وايقي قول لى .. قبلها
أنا عارفه راح يصعب عليّا
بسّ أصعب من ده كلّه ..
إني أعرف منها
فلمّا تيجى تقول لها
صارحني
مش ح اقول لها .. إنّك نسيتني
مش ح اقول .. إنّك جارحني
بسّ لو نزلت دموعي
أو عصرتك بين ضلوعي
يومها .. أعذرنى وسامحنى
وايقي .. سيبنى بعدها
ولمّا تيجى تقول لها
وإنّ لمحت الحزن فيّا ...
بيبتدى يرسم رتوشه

إبقى قول إني .. قويه
وإني قادره إني احوشه
لجل ما تعرف .. تغني
وتبقى صوره ثانيه مني
لما كنت بتبقى جانبي ..
بسّ انا وانتا يا حبي .. فـ قريبا
فلما تبجي تقول لها

طوفان

فـ وسط الطوفان
وساعة الفرق
لقيتك قصادي
سفينة ورق
عشقتك محال
بنيتك هرم
وقلت ابقى جنبك
لقيتك صنم
وعمرى اللى حبك
خلاص انسرق
فـ وسط الطوفان
وساعة الفرق
وقلبي اللى كان لك
بوسع الأمانى
وعاش لك حياته
وكان لك سكاته
وداب لك فـ شعره بأحلى المعانى
نسبته فـ ثوانى
وقلت بقساوه

ده ماضى وسبق

فـ وسط الطوفان

وساعة الفرق

وكنت اَمّا تبعد

وتهجر وتعد

أنوب جوّه جرحك

وأحلف ما اسامحك

ولمّا تجينى

بضمك حنينى

واكن لك شموع

ولو تتحرق

خساره حبيبى

فـ وسط الطوفان

وساعة الفرق

لقيتك قصاى

سفينة ورق

شرح

الشرح الى ف سقف الحيطه
راسم بير مقلوب
بيشدة فضولى لآخر نقطه ف قلب الطوب
المحنى ..
غرقانه ف أبيات الشعر
باستجد بيّا
تتمد إيديّا
ف محاوله لإثبات الذات
ف محاولة لإحياء الحلم ف واحد مات
أسقط فّيّا
من تانى باغرق
لكن ..
جوّه البير المعنول

شوفت البحر

شوفت (البحر بيضحك ليه)

علشان شاف اتنين عشاق

هى تقوله بحبك جداً

بس بخاف ليكون فيه فراق

أما عيونه لما تشوفها

يرحل خوفها

تصبح مركب للكشواق

شوفت البحر

سحب البحر امواجه بحده

ضرب الصخر بسرعه .. وشده

خافت منه .. مدت ايديها

مذ ايديه لايديها وهذى

قال لها .. طول ما ايديا فى ايديك

عمر ما تهزمننا الأتواء

شوفت البحر

عدت سنه ووراها .. سنين

نفذ الصبر من الاتنين

سألت موجه .. هيه وبعدين ؟

رد البحر

جُم بعدهم ناس تانين
هي تقوله بحبك جداً
بس بخاف ليكون فيه فراق
أما عيونه
لما تشوفها
يرحل خوفها
تصبح مركب للأشواق
شوفت البحر

برد

تعبان ...

إكمنى ماشى بقوة دفع الأحران

خوفك فرض

بتراهن على نفس الفرسه الخسرانه

وبنفس النرد

عمّاله بتسقط أحلامك

مع قوّة جذب الأرض

لكن ..

حاجه غريبه

لسته غطاك الحبّ

رغم أنّك عارف

إنّه ما بيدفّش

فـ البرد

شمس

خلى الشمس تموت .. بشوئش
جايز يلحق ينبت ريش
جايز تهرب منى همومى
والفتح للعصفور الشيش
خلى الشمس تموت .. بشوئش
خلى إيدنا تمد شوئه
ببنى وبين الحلم يا دوب
لؤل مره الحلم يقرب
بعد ما شفت ف بعده دروب
دا اللى يشوف الحلم بعينه
يصعب جداً إنه يتوب
إزاي بعد التوبه يعيش
خلى الشمس تموت .. بشوئش
خلى نجوم الليل تحضنى
تعمل مركب م الأحلام
نعير بيها يم الحزن
يصحنى الصبح وينسى ينام
تبعد عنا حروف الآه
والأوهام تبعد .. ما تجيش
خلى الشمس تموت .. بشوئش

مآته

لو دقق العصفور .. وشاف

ما كنش خاف

كان اكتشف إني مآته ...

باحضن الخوف باستماته

مش باتوجد

لجل ان خوفه يتولد

أو .. تنزرع فيه الشماته

لكنى جوايا حنين

لساء بيحلم .. بالتفاتة

مليت هنا

مليت أنا

قلب الولد

حلم الولد

يطلع ويتعلق على كتافى ..

بشوق دافى

ويحلم .. لو يلم

ریش

لعصفور انكسر

وبهمه يبدأ يلزقه

وينام ويحلم بالأثر
يطلع عليه الصبح ويوارب .. ستارته
يلقى الأكم فارد عبايته
ويبتدى يجمع فـ ريش
ويشوقه يبدأ يرسمه لو يوم ما فيش
ويقول عسى ..
مسكين ..

نسى
إنه فـ بطون الوحدة
بيعيش الأسى

وبرغم آهه فـ قلب جوفك
باشتاق لخوفك
اكن ده صاحبي الوحيد
رغم الأكم ..
بالبقاء يزورنى

نور

كلّ ما يضيق قرص الشمس
بامسك طرف النور .. واتخبّي
وافتح طاقه فـ قلب الليل
علشان يهرب منها الخوف
ألقي فـ قلبي الخوف .. يتعبني
وأما يفيض
يفرق فيه الحلم الفاضل من نسياني
وبكلّ قوايا المنهوكه
بامسك آخر حاجه
بتربط بيني وبينه
وأكره نفسي ..
لما أشوف الحزن الساكن فيّا
بيرسم عينه
يسقط مني ..
تفضل فيّا آخر كلمه
ينطق بيها .. وهوّه بيقلت من جوايا
يترجّاني
أمسك طرف النور .. واتخبّي
كلّ ما يضيق قرص الشمس

رايه

مرفوعة الراية البيضاء .. من إمتى ؟

مش فاكركه ..!

جايز لما انقطع الحبل السرى

ما بينى وبينها

جايز لما اتمنت إيدك وسط ضلوعى

وسألت فينها ؟

جايز لما الخط الأصفر .. مات

جايز لما انزعت ..

فتا أول آه

آه ..

كثر الآه بيزيد الصبر

الخطوة الأولى لفتح القبر

جايز .. لما مسكت بإيدى

حبل الصوت

الخطوة الثانية لباب الموت

جايز لما مشيت الثالثة برغبه

من غير رهبه

لجل ما أرفع

آخر رايه

ما قبلهوش

إتعوّدت الحزن فـ عيني
أما فـ عينك .. ما قبلهوش
إتعوّدت الألمه تجيني
وأما تجي لك قلبي يحوش
إتعوّدت فـ عزّ هواني
ألقاك قوه تهزّ كياني
والقائك عالم ..

عالم ثاني
عالم عمرى ما حسيتيهوش
إتعوّدت الحزن فـ عيني
ليه بتحسّ البرد فـ كونك
وانتا الشمس فـ حضن إيديك
ليه بتحسّ خريف فـ عيونك
وانتا الكون بستان حواليك
ليه بتحسّ العالم
كلمه
كلمة حزن وبتغطّيك
لسته فـ قلب العالم
شئ

جائز قلبك ما عرفهوش
اتعودت الحزن فـ عيني
أما فـ عينك
ما اقبلهوش
ميد إيديك للشمس .. وهات
والضم ..
عقد من الدقات
ليه بتحس الحرف سكات
ليه فـ عينوك
نبض أهات
إحلم حبه .. تلقى محبه
تلقى الدنيا عروسه وشابه
قلبها دايماً ليك مفروش
اتعودت الحزن فـ عيني
أما فـ عينك ابدأ ..
أبدأ .. ما اقبلهوش

حاسس

حاسس إن حمولك
عمّاله يتّقل
رغم أنك مش شايل حاجة
حلمك ميّت
مش لاقى غراب قدّامك
علشان تخفيه
حاسس إن عيونك مليانه دموع
وانك عبد لنفس السيد
وبترفض تركع ليه
حاسس إن إيدك
عمّاله بتقصر
مش طايّل منك حاجة
غير نفس القلب الدايب
اللى انتا بتغرق فيه
حاسس
حاسس ليه ؟!
ده لأنك بتلفّ
عكس ما بتلفّ الأرض

وبتحلم بالضدّ
فيكون المجموع الكلي
لحاصل دقّاتك
(صفر)

ضعف

الشمس بتضعف
وبتخبى فـ حضن البحر
وتدوب جواه
وتفوت لى الليل
والخوف
والآه
باححتاج للبحر
باححتاج أضعف زى الشمس
وادفن كل الأمل ..
فـ حضن البوح
غير مسموح
يفربنى الوهم بدفء البحر ..
أنزل ..
تنشل الحركه
فـ شباك الحزن ...
الى بتصطاد أحلام الناس
أنداس
أحتاج أكثر ..
للحزن اللى يساع الخوف

كل الخوف
أتوحد والهم
وأصبح من ضمن الأحلام .. الفرقانه
صنقني ..
لما البحر يبقل .. حضنه
مش فارقه

عادی جداً

عادی جداً
إنك تصحى الصبح
تلقى نفسك جنبك
غرقانه
فـ الحلم البایت ...
من زمن الوهم
عادی جداً
إنك ترفع راسك ..
وانتا بتغسل همك
فتلاقى مرايه بتعكس روحك
تكسرها ...
لكن تفضل حی
مترشق فيك مليون سهم
عادی جداً
لما تسيبها وتنزل للشارع
تفرح بالجزء الواسع جواك
فتقابلك بنت ...
مش حلوه
ما فيهاش غير قلب
تحلم يملك
تاخده

بعديها تجيب لك ألف مبرر
علشان تتاساها ..
عادى جداً
عادى جداً
إنك ترجع تقلع عقلك ..
ويّا هدمك
لما تحسنّ أنك ماعملتش حاجة
غير إنك وزعت الضحكة البهتانه
وأكلت الحزن اللي فى عين الناس
بعديها .. تحاول تكتب حاجة جديده
بحروف ثانيه
تفشل ..
وتلاقى نفسك زى ما هيّا
تحضنها
و
ت
ن
ا
م
عادى جداً

وحده

سبّ شقوق الدّم الأحمر
اللى بتطلع جوّه عيونك
والبس نضارة شمس
دارى الشرخ اللى فـ قلبك
والجزء اللى اتكرمش منه
إكويه بالحلم ..
بالحزن
اللاتنين سيّان
وليديك اللى اتحرمت معنى الدفاء
دخلها بسرعه فـ قلب جيوبك
والعب بالمفتاح اللى اتكسر منك
واننا بتفتح قلبك .. أول مرّه
دارى العجز اللى فـ رجلك ..
فـ العربيّه الشيك
جائز ح تصدّق ..
وتصدّق كل الناس
إنك أسعد واحد فى العالم
بسّ أما ح ترجع بيتك

تقلع نضارتك
وتبصّر فـ قلب مرابتك
تعرف إنك كذاب
ولأول مره
باكره
معنى الصدق اللي فـ عينك

كان

وبنفس الإيد اللي اتمدّت
تلحق آخر أنفاس
وبنفس الروح اللي اتشدّت .. منى
وبتسقط فيا لآخر حلم
كنت ..

كان ... شايف دقه
بتعانّد قسوة جلاد مرّ
كان شايف بيت مكسور
بيحاول يوزن نفسه
فوق حبل الشعير الحرّ

كان حاسس خوفي
خوف الأعمى ..
من أول إيد تتمدّ
تسحب شوقه لطاقة نور
وبنفس البعد ما بين الاتنين
اتولّد عجز ..
اتولّد يأس ..
اتكوّن سور

ما قدرتش اهذه ..
ما قدرش يخطى
والدقه الباقيه ..
فضلت تحت القلب
خافه تشق القلب البور
وبنفس الإيد كان الضغط
واما اتساوت ..
الإيد والأرض
اتمذ فيه الجذر الشايخ
بعديها ..
شفت اللون الأخضر ..
جوه عينيه

لو تسمع

لو تسمع
محتاجه لسكين القسوه اللي فـ قلبك
يقطع حبل الإحساس
المحدود بين قلبي ...
واقلامي الفاضيه

لو تسمع
لما اطلع مني
واتمدد فوقى
واندهلك
إبدأ .. إبدأ
وما تستناش الكبش
واعرف إنى بحبك راضيه
لو تسمع ..

وانتا بتكبح
سيب الحاجه الحلوه اللي فى قلبى
سيب قلبى
مش آخره إنه أدك نقاته
طعنه

كفايه

يا ريت تسمعنى
لو تسمع
كفايه بقسوتك تجرح
لا انا محتاجه إحساسك
ولا عطشانه أياى
وغاويه الشرب من كاسك
ولا حلمى بيكبر بيك
ولا طول وقتى فيك .. بأسرح
يا ريت تسمعنى
لو تسمع

نهارى لو بدقاتك
ما يلزمنيش
ح اخطى الخطوه وامشيها
واقول للحلم ما توطيش
ولو زانت عليا الريح
ح اقاوم ..
واهزم التيار
ومن تانى ح اعود واسبح

يا ريت تسمعنى ...
لو تسمع
أكيد محتاجه للكلمه
لكن صتقنى ..
مش منك
لا انا محتاجه يوم عطفك
ولا محتاجه يوم منك
أنا محتاجه للأيام
تتسببى فى يوم ..
إنك
بكلمة وهم بتقولها
بتحلم أرتوى .. واطرح
يا ريت تسمعنى ...
لو تسمع

حُضِن السَمَا

أوقات عيونك تتسحب منك لفوق
فتمدّ إيدك
تقلع الروح اللي فيك من جذرها
تفضل لفتره صغيره ..
خايفه الخروج
تمسك لآخر حاجه فاضله فـ قلبها
تتشد منك ...
لما تلمح آخر الأحلام يسقط
أما انتا
فـ .. بتطير لفوق
تلمح تماس الحلم بابتعد نجمه في حُضِن السَمَا
مُرَ النظر
وفـ قلبنا طعم العمى
ويقلب رافض تبقى دى نهاية القصيده
بتطير كمان ..
تتلمس الحلم بحنان
يسقط .. فـ تسقط
وسط دهشة بيت أخير
يا هل ترى ممكن تطير ؟

ماريونت

ما نيش ماريونت
بايدك تشد ..
وترسم .. حياتها
ما نيش شمعہ قايدہ
بايدك تطفی
بايدك تقيدھا
صحيح انتا فرحی
بترسم ملامحی
ولما بتحزن
تزود فـ جرحی
لكنی باخاف
فی آخر المطاف
تمل الحقیقه
وليها تهذ
مانيش ماريونت
تحرك مشاعری ..
فلمذ الأمانی
ولحول كلامی
عشانك أغانی

فتفرح ..
وأفرح
وتحزن أغاني
لكنك بتتسى عيوني فد ثواني
ومن ناني اشوفك
بيملاني خوفك
وترجع لفجري ...
بايدك تسد
ما نيش ماريونت
ما نيش ماريونيت
ولا عمرى ح ابقى
وعمرى ... ما كانت صفاتي مطابقه
ولا قلبك انتا غاياتي الفريده
ولا بعد حبك
راح ابقى وحيد
ح تفضل فد قلبي مجرد قصيده
وبيها ح اشارك فد أول مسابقه
ما نيش ماريونت

لحظه

لحظة فراقنا ..

اللى انتا شايلى همها

سيبها

أكيد راح تيجى هيا لوحدها

جائز ح تقدر تبندى ..

أما أنا

إنسى أنى أبدا بعدها

لحظة فراقنا

ح تعيش معايا فـ دنيى

وتكون ونيسى فـ وحدتى

وإن مت ..

إحفظ غنوتى

علشان عيونك قلتها

لحظة فراقنا

شايها طايره فـ وسطنا

حالفه بايدها تضمنا

أقدار بتبعد حلمنا

إزاي ح نهرب منها

لحظه فراقنا

الفهرس

الصفحة	الموضوع
٥	١. العامية وامتداد النص
٩	٢. حلم العقل — تجربة الجسد
١٢	٣. يوتوبيا
١٤	٤. حاله
١٥	٥. محاوله
١٧	٦. درج
١٩	٧. جالتى
٢١	٨. شنبه
٢٣	٩. مرحوم
٢٥	١٠. راهب
٢٦	١١. رعشه
٢٨	١٢. بوكيه
٣٠	١٣. جوع
٣٢	١٤. الفاضل ليا
٣٤	١٥. عارف
٣٦	١٦. كاراتيه
٣٨	١٧. باب
٤٠	١٨. صوره
٤١	١٩. خوف
٤٢	٢٠. ثابت
٤٣	٢١. لسته
٤٥	٢٢. مقابلضه
٤٦	٢٣. ميم

٤٧	٢٤. إسمي
٤٩	٢٥. قلب الدائره
٥١	٢٦. إكمنى بحبك
٥٣	٢٧. هدف
٥٤	٢٨. إحكى عنه
٥٥	٢٩. مكتبي
٥٧	٣٠. آخر دقائق الحلم
٥٨	٣١. زيدا
٥٩	٣٢. حتى أنا
٦١	٣٣. كذابه
٦٢	٣٤. قول لها
٦٤	٣٥. طوفان
٦٦	٣٦. شرخ
٦٧	٣٧. شوفت البحر
٦٩	٣٨. برد
٧٠	٣٩. شمس
٧١	٤٠. مائه
٧٣	٤١. نور
٧٤	٤٢. رايه
٧٥	٤٣. ما اقبلهوش
٧٧	٤٤. حاسس
٧٩	٤٥. ضعف
٨١	٤٦. عادى جدًا
٨٣	٤٧. وحده

٨٥	٤٨. كان
٨٧	٤٩. لو تسمع
٨٨	٥٠. كفايه
٩٠	٥١. حضن السما
٩١	٥٢. ماريونيت
٩٢	٥٣. لحظه

رقم الإيداع
٢٠٠٢/١٠٨١٣
الترقيم الدولي
977-5902-82-7

مؤسسة حورس الدولية للنشر والتوزيع
١٤٤ ش طيبة - سيورتنج - الإسكندرية
تليفاكس: ٠٣/٥٩٢٢١٧١ - ٠٣/٣٩٢١٢٨٤